



Brev dato: 26-10-2020  
Sagsnr. 2020 - 22278  
Akt. nr. 15200730

Postboks 1614  
3900 Nuuk  
Tlf. (+299) 34 50 00  
E-mail: nap@nanoq.gl  
www.naalakkersuisut.gl

Inatsiartuni Ilaasortaq  
Marianne Paviassen, Inuit Ataqtigiit  
/Manni

**§ 37 imm. 1 naapertorlugu Inatsisartuni ilaasortap Marianne Paviassenip Inuit Ataqtigiineersup apequtaasa nr. 172\_2020, 9. Oktober 2020-meersut akineqarnerat.**

Asasara Marianne Paviassen

Apeqqtigisatit uannit akisassanngortinneqarsimapput. Apeqqtigineqartut tullinnguuttuni taaqqinneqarput, kinguneratigullu akissuteqarfigineqarlutik.

**1. Matumuunakkut Naalakkersuisunut apeqqtigaara Naalagaaffiit peqtigiit Nunap inoqqaavisa pisinnaatitaaffii ILO konventioni nr: 169 ilumut Naalakkersuisut nangaassutigaat pisinnaatitaaffiit taaneqareersut oqartussaaffinnik nunatsinni tigusigaangatta atorunnaartartut?**

Akissut: ILO isumaqtigiisummut nr. 169-imut Danmarkip 1979-imi isumaqataaneranut atatillugu Danmark nalunaarummik tunniussaqarpoq, taannalu taamanikkut Inatsisartunit taperserreqarpoq. Nalunaarummi tassani ilaatigut makku oqaatigineqarput: "Danmarkimi nunap inoqqaavi ataasiinnaapput isumaqtigiisummi nr. 169-imi taamatut taaneqarsinnaasut. Taakkua tassaapput Kalaallit Nunaanni nunap inoqqaavi, imaluunniit Inuit."

Tamatuma saniatigut Naalakkersuisut isumaqarput ILO isumaqtigiisummi nr. 169-imi pisinnaatitaaffiit pingaaruteqassusaat qanorlu paasineqarnissaat Kalaallit Nunaata ullumikkut namminersorlutik oqartussaanerannik aallaaveqartariaqartut, taamaalillunilu inuttut inuit pisinnaatitaaffii aqutigalugit namminneq aalajangiisnaatitaasut, namminneerlutik inatsiseqartitsineq tigusimagaat suliassaqarfinnilu arlalinni naalakkersuisuuneq tigusimagaat, soorlu aatsitassanut suliassaqarfik. Tamanna isumaqarpoq ataatsimut pisinnaatitaaffiit nunap inoqqaavisa pigisaat Danmarkip aamma Kalaallit Nunaata akornanni attaveqarnermut sunniutaarussimmammata, matumani Danmarkip Kalaallit Nunaata nammineerluni aalajangiisnaatitaanerannik ataqqinninnera ingerlajuartillugu.

**2. Naalakkersuisut ilumoortumik Nunap inoqqaavisa pisinnaatitaaffii qulaanni taariikkama Kalaallit Nunaanni tamatigut tamaanna atorunnaarsimasutut isumaqarsimappata taava qanga taakku atorunnaarsinneqarsimappat?**

Akissut: ILO isumaqtigiisummi nr. 169-imi pisinnaatitaaffiit suliassaqarfinnut tiguneqarsimasunut tunngatillugu Danmarkimut piumasarineqarsinnaanngimmata siuliani akissutigineqartumi takuneqarsinnaavoq.

Suliassaqarfinnut tiguneqartunut tunngatillugu ilanngullugu oqaatigineqassaaq ileqqut nunap inoqqaavisa pisinnaatitaaffiit tunngaviliunneqartut piviusunngortinnissaannut Naalakkersuisut sulinerminni anguniartuarmatigut. Assersuutitut Aatsitassat pillugit Inatsit taaneqarsinnaavoq, taannalu ilaatigut sammisat sanaartukkallu najukkani inunntut attorneqartunut siunertaanngitsumik imaluunniit ajorluinnartumik

sunniuteqannginnissaat anguniarlugu piumasaqaatinik imaqarpoq, soorlu kulturikkut pingaartitat.

Tamanna ilaatigut atuinissamut akuersissummik qinnuteqarnermi aatsitassarsiornissamut sunniutaajunnartut tamakkerlugit qulaajarnerisa qulakkeerinniffiginerisigut pisinnaavoq, taakkunungalu ilaapput inunnut kiisalu avatangiisitigut peqqinnissakkullu sunniutaasinnaasut. Qinnuteqarnermi atorussat oqartussaasunit attuumassutilinnit misissuiffigeqqissaarneqartuarput. Tamatuma saniatigut qinnuteqarnermi atorussat sivikinnerpaamik sapaatip akunnerini arfineq-pingasuni tamanut tusarniutigineqartarput, tusarniaanerullu nalaani tamat ataatsimeeqatigineqartarput Namminersorlutik Oqartussanit, ingerlatseqatigiiffinnit (qinnuteqartut), Namminersorlutik Oqartussat siunnersortiinit avataaneersunit kiisalu ilisimatuunit sumulluunniit attuumassuteqanngitsunit peqataaffigineqartumik. Tusarniaanermut akissutit tamarmik ilanngunneqareernerisigut ilumut atuinissamut akuersissut nalunaarutigineqarsinnaanersoq pillugu Naalakkersuisut aalajangiinermik aalajangiisarput.


**3. Aammalu nunap inoqqaavisa pisinnaatitaaffii nunatsinni atuukkunnaarsimappata kimit qangalu atorunnaarsinneqarsimappat?**

Akissut: Namminersorlutik Oqartussat 2009-mi eqqunneqarnerat nunap inoqqaavisa pisinnaatitaaffiik atorussanngortitsinerusoq Naalakkersuisut isumaqarput, soorlu ILO nr. 169-imi aamma nunap inoqqaavisa pisinnaatitaaffii pillugit Naalagaaffiit Peqatigiit Nalunaarutaanni/Isumaqaatigiissutaanni atuarneqarsinnaasut.

**4. Naatsumik apeqquteqaatigalugu Nunap inoqqaavisut pisinnaatitaaffigut nunat tamalaat akornanni isumaqaatigiissutaasimasut atuuppat imaluunniit atuutinngillat?**

Akissut: Nunani tamalaani nunap inoqqaavi pillugit isumaqaatigiissutaasut Danmarkip aamma Kalaallit Nunaat akornanni attaveqarnermut suliassaqarfinnut tiguneqarsimasunut tunngatillugu sunniutaarussimapput. Taamaammat suliassaqarfinni tiguneqartuni kalaallit inuit pisinnaatitaaffiik Naalakkersuisut inunnut ataatsimoortunut ataasiakkaanullu tunngatillugu qulakkeerinninnissaat illersuinissaallu pisussaaffinngorpoq. ILO isumaqaatigiissummi 169-imi kiisalu Nunap inoqqaavisa pisinnaatitaaffii pillugit Naalagaaffiit Peqatigiit Nalunaarutaanni ileqqusut aalajangersakkanut tigussaasunut attuumassutilinnullu tunngaviliunneqartut atorussanngortinnissaannik Naalakkersuisut suliuarput.

Inussiarnersumik inuulluaqqusillunga  
Med venlig hilsen

  
Steen Lyng